


# ԲԱՍՏԻԼԻ ԿԱԼԱՆԱԿՈՐԸ

70461



ԶԱՐԸ ԴԻԿԵՆՍ

ԲԱՍՏԻԼԻ ԿԱԼԱՆԱՎՈՐԸ

ԻՍԿԱՍ «ՌՍՍՎԱՍՏՔՆԵՐ ՅԵՐԿՈՒ  
ՑԱՂԱՅԻ ՄԱՍԻՆ» ԳԻՐԻՑ

Թարգմանիչ ԱՅՎԱՆԵՍԻ

Նկարիչը Ա. ԸՋՐԲԱԿՈՎԻ



ԳԵՏԱԿԱՆ ՀՐԱՏՈՐԻԱԳՐՈՒԹՅՈՒՆ  
ՕՆՐԵՎԱՆ—1985

19702  
A  $\frac{II}{38313}$

Գրող. խմբագիր՝ Լ. Հայրլյան  
Լեզ. խմբագիր՝ Հ. Պետրոսյան  
Տեխ. խմբագիր՝ Հ. Տեր-Պավլյան  
Մտքագրիչ՝ Մ. Գեվորգյան

Գ 1 ա Վ 1 1 1 ա 258  
Հրատ. № 3458  
Տ ր ք մ 4 0 0 0

Հանձնված է արտ. 27/X 1935 թ. Ստորագրված է արհելու 1/XI 1935 թ.

ՍՖ. Ա5 — 148 X 210. Գրողիկը 5047

Типография им. Сталина 1902 г. АЧКПТ Ростов ма-Дону.

Յես, Ալեքսանդր Մանեաս, մի գժբախտ բժիշկ. ծննդյամբ Բուվե քաղաքից, հետագայում փոխադրված Փարիզ, զրոււմ եմ այս տխուր տողերը մռայլ խցումս, Բաստիլի պատերի մեջ՝ 1767 թվի դեկտեմբերին: Գրոււմ եմ զաղանի ու ընդհատու մեերով, ամենածանր պայմաններում: Գրվածքս թաքցնում եմ յես վառարանի պատի մեջ, ուր աստվճանաբար ու մեծ ջանքով թաքստատեղ եմ պատրաստել նրա համար: Ո՛վ գիտե, թերևս մեկի կարեկից ձեռքը զանի այս զրվածքն այնտեղ, յերբ յես իմ վշտերի հետ փոշիացած կլինեմ արդեն:

Դժվարությամբ եմ խզմզում այս բառերը ժանգոտ մեխի ծայրով, թաթախելով այն անխի փոշու և վառարանի մրի մեջ՝ իմ արյունով շողախլված: Գրոււմ եմ բանտարկությանս տասերորդ տարվա վերջին ամսին:

Հուլյսս չքացել ե իսպառ: Յես արդեն նկատոււմ եմ սոսկալի նշաններ իմ մեջ ու դիտեմ, վոր բանականությունս յերկար չի մնա անվտանգ: Բայց հանդիսավոր կերպով հայտարարոււմ եմ, վոր այս բոպեյիս յես միանգամայն արբապետոււմ եմ իմ մտքերին, հիշողությունս տեղն և ու թարմ և զրոււմ եմ զուտ ճշմարտությունը:

Մի ամպամած, բայց լուսնկա դիշեր, 1757 թվի դեկտեմբերի յերկրորդ կեսին (կարծեմ 22-ին) յես դուրս յեկա թարմ ոգ ծծելու: Իմ ընակարանը Բժշկական դպրոցի փողոցումն եր: Դանդաղ ու մտախոհ գնում եյի յես Սենայի ամայի գետափնյա փողոցով, յերբ հանկարծ լսեցի յետեիցս սլացող մի կառքի զզրդոց: Կառքի տակ ընկնելուց վախենալով՝ մի կողմ քաշվեցի: Բայց հենց այդ միջո-

ցին կառքի պատուհանից յերեսաց մի գլուխ ու մի բարձր  
ձայն իրամայեց կառապանին կանգնել:

Կառքը դանդաղեցրեց իր ընթացքը՝ հենց վոր կառա-  
պանը կարողացավ պահել ձիերին, ու նույն ձայնը կան-  
չեց ինձ՝ անուշա տալով: Յես անմիջապես պատասխա-  
նեցի: Մինչ այդ՝ կառքն արդեն կարողացել էր այն-  
քան առաջ սլանալ, վոր մինչև յես կհասնեյի, նրա մեջ  
նստած յերկու տղամարդիկ, կառքի դռնակը բանալով, զուրս  
յեկան ճանապարհի վրա: Յես նկատեցի, վոր յերկուսն ել  
փաթաթվել եյին պատմութեանների մեջ ու կարծես թարց-  
նում եյին զեմքերը: Մինչև նրանք կողք-կողքի կանգնած  
եյին կառքի դռնակի մօտ, յես նկատեցի նույնպես, վոր  
յերկուսն ել կարծես իմ տարիքիս են, կամ մի փոքր ավելի  
յերիասարդ ու չափազանց իրար նման իրենց հասակով,  
կազմվածքով, ձայնով, և վորքան կարողացա յես դատել,  
նաև իրենց դեմքով:

— Դուք եք բժիշկ Մանեար, — հարցրեց նրանից մեկը:

— Այո:

— Բժիշկ Մանետը, ծննդյամբ Բոլիեյից, — ասաց մյու-  
սը, — յերիասարդ բժիշկ, սկզբում հմուտ վիրաբուժ, իսկ  
վերջին յերկու տարում հռչակ հանած Փարիզում:

— Այո, — պատասխանեցի յես, — յես այն բժիշկ Մա-  
նետն են, վորի մասին դուք խոսում եք այդպես դովա-  
սանքով:

— Մենք յեղանք ձեր բնակարանում, — ասաց առա-  
ջինը, — բայց դժբախտաբար ձեզ այնտեղ չգտանք: Իմանալով,  
վոր դուք գնացել եք զբոսնելու, հավանորեն այս կողմերը,  
մենք՝ յեկանք, հույս ունենալով, վոր ձեզ կհասնենք: Ձեյիք  
բարեհաճի կառք նստել:

Յերկուսն ել աչքի եյին ընկնում իրենց հրամայական  
ձևերով և, ասելով այդ, կանգնեցին այնպես, վոր յես  
ձայնի կառքի դռնակի ու նրանց միջև նրանք զինված  
եյին, յես — վնչ:

— Ներեցեք — առարկեցի յես, — բայց յես սովորաբար



հարցնում եմ, թե ով ե պատիվ անում ինձ, դիմելով իմ  
ողնության և ինչ կարիքի համար են հրավիրում:

Այս հարցին պատասխանեց յերկրորդ խոսողը:

— Բժիշկ, ձեզ հրավիրում են դիրքի տեղ մարզիկ:  
Ինչ վերաբերում ե դիպվածին, ձեր հմտությունն ասում  
ե մեղ, վոր ինքներդ ավելի լավ կպարզեք ձեզ այդ դիպ-  
վածը, քան մենք կարող եյինք նկարագրել այն: Բավական  
ե: Ձեյիք հաճի կառք մտնել:

Ինձ մնում եր միայն հպատակվել, ու յես լուռ մտա կառք:  
Նրանք յերկուսն ել հետևեցին ինձ, միայն վերջինը նախ  
կառքի վտանատեղը ներս գցեց, ապա ինքը թռավ: Կառքը  
հետ դարձավ ու սրընթաց թռավ հակառակ ուղղությամբ:

Յես մեր խոսակցությունը բերի այստեղ մամնայն  
ճշտությամբ: Յերրեք չեմ կասկածում, վոր մեր խոսակցու-  
թյունը տեղի ունեցավ հենց այդպես, բառ առ բառ: Յես  
նկարագրում եմ բոլորն այնպես, ինչպես յեղել ե, լարելով  
միտքս, վորպեսզի չչեղվեմ նպատակից:

Կառքն իր յետեր թողեց փողոցները, անցավ ուղեփակը  
և սլանում եր դաշտային ճանապարհով:

Ուղեփակից տաս կիլոմետրի վրա, — հեռավորությունը  
յես հետո հաշվեցի, յերբ նորից անցնում եյի այդ ճանա-  
պարհով, — կառքը ծովեց դիտավոր ճանապարհից ու կանգ-  
նեց մեկուսացած մի տան առաջ:

Մենք յերեքս ել դուրս յեկանք կառքից ու խոնավ  
փափուկ կածանով, այդու միջով, ուր մոռացության մատն-  
ված շատրվանը թափվում եր ափերից, ուղղվեցինք դեպի  
այդ տունը:

Զրնգոց դանգակը, բայց իսկույն չբացին ներսից, ու  
մեկն իմ առաջնորդներից, ծանր ճամբորդական ձեռնոցով  
թափով խփեց դուռը բացող ծառայի յերեսին:

Այդ վարմունքի մեջ վոչինչ չկար արտասովոր ինձ  
համար, վորովհետև յես հաճախ եյի տեսել, թե ինչպես  
աղաներն ստորին դասի մարդկանց ծեծում են ավելի անա-  
մոթաբար ու անխիղճ՝ քան շներին: Բայց բանն այն ե,



վոր մյուսն էլ բարեկամաբար ծառայի դեմքին խփեց ձեռքով: Այստեղ արդեն յերկուսի նմանութիւնն ապշեցուցիչ էր և յես իսկույն հասկացա, վոր նրանք հարազատ յեղբայրներ են ու յերկվորյակներ:

Այն ընդհանրացումը, յերբ մենք կանգնեցինք դրախտ պարսպի դռանը, վոր փակ էր (յեղբայրներից մեկը բացեց ու նորից փակեց, յերբ մենք ներս մտանք), յես ինչ-վոր է ինչ լսեցի վերին հարկի մի սենյակից: Ինձ իսկույն տարան այդ սենյակը, ու քանի բարձրանում էինք սանդուղքներով, այնքան պարզ էր լսվում ճիշդ, շիվանդը զալարվում էր անկողնում խիստ զառանցանքի մեջ:

Պացիենտս արտասովոր գեղեցկութեամբ մի յերիտասարդ կին էր, քսան տարեկանից թերևս մի փոքր ավելի: Նրա մազերը գլգլված էին՝ տեղ-տեղ պոկոտված, իսկ ձեռքերը կապված կողքերին՝ գոտիներով ու թաշկինակներով: Եես նկատեցի, վոր այդ կապանքները տղամարդու գործածութեան առարկաներ են: Դրանցից մեկի՝ փնջավոր քեղ շարֆի վրա յես տեսա կարած ազնվական տոհմանիչն ու «ն» տառը:

Եես նկատեցի այդ հենց առաջին ընդհանրացումը, յերբ քննում էյի պացիենտիս, վորովհետև թափալվելով անկողնում՝ նա սողաց անկողնի ափին ու շարֆն առավ բերանը՝ խեղդվելու սխալ անելով: Իմ առաջին գործը յեղով շարֆը բերնից հանել ու թեթևացնել նրա շնչառութեանը: Ահա հենց այդ միջոցին աչքիս ընկավ ասեղնագործ տառը շարֆի անկյուններից մեկում:

Եես զգուշութեամբ դարձրի հիվանդին մեջքի վրա, ձեռքերը դրի կրծքին, վորպեսզի հանգստացնեմ նրան ու պահեմ անկողնում, և նայում էյի դեմքին: Նրա լայնացած աչքերը մոկեցնորեն դեգերում էին այս ու այն կողմ, և հաճախ զիւ ու ականջ ծակող ձայնով ճշում էր նա, միշտ կրկնելով նույն բառերը՝ « Իմ ամուսինը, իմ հայրը, յեղբայրս », հետո բարձր համբում էր մինչև տասներկուսն ու շուկով արտասանում « սոսոս »: Մի վայրկյան, վոչ





ավելի, նա սակվում էր, ձախը կտրում, կարծես տկանՆ էր  
դնում և ապա նորից դիլ ճշում, քրթմնջում՝ ըմ մոռու-  
սինը, իմ հայրը, յեղբայրս, համրում մինչև տասներկուս  
ու նորից շնջում՝ ասուսասու Բառերն ու հեծկլտանցը  
կրկնվում էյին առանց մազաչափ փոփոխության ու ճի-  
շերը չեյին դադարում, բայի մի վայրկյան ընդմիջումից:  
— Վաղճւց և, վոր այսպես շարունակվում է, — հար-  
ցրի յես:

Յեղբայրներին միմիանցից շուկելու համար յես կանվա-  
նեմ նրանց մեծ ու փոքր Մեծը, վոր ավելի իշխանական  
եր, պատասխանեց ինձ.

— Յերեկ յերեկոյանից, գրեթե մի ուր և:

— Իսկապես ունի՞ նա ամուսին, հայր, յեղբայր:

— Յեղբայր ունի:

— Նրա յեղրոր հեա չի՞ արդյոք, վոր յես խոսում եմ:  
Նա պատասխանեց գերագույն արհամարհանքով.

— Վճշ:

— Մոտ ժամանակներս արդյոք տեղի չի՞ ունեցել վո-  
րեկ ղեպք, վոր նրա մաքում կապակցվեր տասներկու  
թվանշանի հետ:

Ահամարեւ միջամտեց կրտսեր յեղբայրը.

— Ժամի տասներկուսը:

— Տեսնում եք, պարոններ, — ասացի յես՝ շարունա-  
կելով հիվանդի ձեռքերը պահել կրծքին, — վորքան յես  
անողուտ եմ իմ այն դրությամբ, վորով դուք բերիք ինձ  
այստեղ: Յեթի յես առաջուց զիտենայի, թի ինչ եմ տես-  
նելու այստեղ, հետս գեղեր կվերցնեյի: Իսկ այժմ մենք  
տհազին ժամանակ ենք կորցնում: Այսպիսի մեկուսացած  
վարում վճշ մի դեղ չես ճարի:

Մեծ յեղբայրը նայեց փոքրին, վորը հպարտությամբ  
վրա բերեց. «Այտեղ կա մի արկղ գեղերով», հանեց պա-  
հարանից ու զրեց սեղանին:

Յես բաց արի մի քանի սրվակ, հոտոտեցի, իցանները  
զրի շրթունքիս: Այդ բոլորը քնարեք գեղորայք էյին, ինքն

ըստ ինքյան թռնաւորը՝ Բայց ուրիշ միջոց չկար ձեռքի տակ:

— Դուք կասկածում եք զբանց վերաբերմամբ, — հարցրեց կրտսերը:

— Դուք տեսնում եք, պարոնս, վոր յես մտադիր եմ սգտվելու զբանցից, — սլատասխանեցի յես և այլես վռչկնչ շասացի:

Մեծ դժվարությամբ ու յերկար օրերերից հետո յես վերջապես հարկադրեցի հիվանդին կուլ տալ դեղը՝ ինչ շափով պետք էր: Վորովհետև վորոշ ժամանակից հետո յես մտադիր էյի կրկնել դեղը, բացի այդ՝ պետք էր գիտել գեղի ներգործությունը, յես նստեցի անկողնի մոտ: Սենյակում ծառայում էր յերկշոտ, ընկճված տեսքով մի կին, այն ծառայի կինը, վոր բացեց մեզ գուռը: Նա աննկատելի կերպով քաշվեց մի անկյուն: Տունը խոնավ էր, հին, խրդճուկ կահավորված, — յերևում էր, վոր նոր էյին բռնել ու ժամանակավոր Պատուհաններից կախված էյին ծանր, հին վարագույրներ, — ըստ յերևութին նոր էյին խփել միխերով, վոր ճիշերը շլտվնու Իսկ այդ ճիշերը շարունակվում էյին միշտ նույն հետևողականությամբ ու նույն կանչերով՝ «Իմ ամուսինը, իմ հայրը, յեղբայրս», ու դարձյալ համբանք մեկից մինչև տասներկուսն ու ասուսաս:

Անմիտ գառանցանքն այնքան կատաղի յեր, վոր յես չքանդեցի հիվանդի ձեռքերին փաթաթած կապերը: Յես միայն հետևում էյի, վոր նրանք ցավ չլատճառեն նրան:

Ինձ համար միտի միտիթարանքն այն էր, վոր հիվանդի կրծքին զրած ձեռքս մեղմացնող ներգործություն էր անում. բոպե առ բոպե հիվանդի դեմքը հանգստանում էր: Բայց ճիշերը շարունակվում էյին ճոճանակի ճշտությամբ:

Քանի վոր ձեռքս շատ թե քիչ հանգստացնում էր հիվանդին (ինձ թվում էր), յես լուռ նստած էյի անկողնի մոտ, իսկ յերկու յեղբայրները նայում էյին՝ ինձ:

Հանկարծ մեծն ասաց.

— Մի ուրիշ պացիենտ ել կա:

Յես ցնցվեցի ու հարցրի.

— Գուցե շտապ սգնութիւնն է հարկավոր:

— Ավելի լավ է՝ ինքներդ նայեցես, — պատասխանեց նա անտարբեր կերպով ու վերցրեց մամլը:

• • •

Մենք անցանք հետին սանդուխքով: Մյուս պացիենտը պտուկած եր դամի կտրին շինված ձեղնահարկի նման մի սենյակում: Այդ սենյակի մի կողմը ցածլիկ, ձեփված առաստաղով եր, իսկ մյուս կողմը՝ բոլորովին բաց: Յերբ-վում ելին կտուրի կզմինդրներն ու լայնքի գերանները: Հասակին թափված եր խոտի ու հարդի պաշար, ծառանդների խրձեր վառելիքի համար ու մի կույտ խնձորսկաղի մեջ: Յես պիտի անցնեյի այդ բոլորի մասով: Իմ հիշողութիւնս պարզ է ու անսխալ: Դիտմամբ փորձում եմ այն, վերհիշելով այս բոլոր մանր-մունր բաները, ու նորից տեսնում եմ այդ ամենն իմ խցում: Բաստիլի պատերի մեջ բանտարկութիւնս տասերորդ տարվա վերջին, ճիշտ այնպէս, ինչպէս տեսա այն զիշերը:

Հասակին, մի խուրձ խոտի վրա, բարձր դիտի տակ կտրած՝ պտուկած եր մի գեղեցիկ գեղջուկ պատանի, տանայոթ տարեկանից վոչ մեծ: Նա պտուկած եր մեջքի վրա, ասամները բաց, աջ ձեռքի սեղմված բռունցքը բռնած կրծքին ու վառվառն աչքերը հասած վեր... Յես չկարողացա նայել, թե վորտեղ է նրա վերքը, յերբ մի ծնկիս չոքած՝ կուցա նրա վրա. բայց հասկացա, վար նա մեռնում է ուր զներով ստացած վերքից:

— Յես բժիշկ եմ, իմ խեղճ բարեկամ, թնգ նայեմ վերքդ:

— Նայելու կարիք չկա, — պատասխանեց նա — թնգ:

Վերքը նրա ձեռքի տակն եր, ու յես համոզուիմ ելի, վոր ձեռքը վերցնի կրծքից: Նա խոցված եր սրով, հավանորեն քսան — քսան չորս ժամ առաջ: Մտկայն վնչ մի բժշկական հմտութիւնն չեր կարող վերկել նրան, յեթե

նույնիսկ ոգնությունն անմիջապես հասցնելին: Նա արագ մտտենում եր մահվան: Յես դարձա դեպի մեծ յեղբայրն ու տեսա, վոր նա այդ սքանչելի պատանու վրա, վորի կյանքը մարում եր, նայում ե այնպես, կարծես այդ մի վիրավոր թռչուն՝ նապաստակ կամ ճաղար լիներ և վնչ իրեն յեղբայրակից — մարդ:

— Ի՞նչպես և պատահել այս, պարոն:

— Կատաղած լազուտը... Ճորտ եւ Հարկադրել և յեղբորս պաշտպանվել ու ընկել և նրա սրից... տեսա ազնվական լինի:

Այդ պատասխանի մեջ չկար ստվերն անգամ խղճահարութեան, տիրութեան կամ մարդկային կարեկցութեան: Խոսողը կարծես հասկացնել եր տալիս, թե՛ անվայել և համարում, վոր այդ խորթ ցեղի եյակը մեռնում ե այդտեղ ու չի սասկում վորևէ սովորական շան մութ բնում, իր ճիճվատ ցեղի շրջանում:

Նա միանգամայն անընդունակ եր խղճալու այդ մանկանք կամ ցավելու նրա վիճակի համար:

Մինչդեռ նա լռոտում եր, պատանու աչքերը դանդաղորեն դարձան նրա վրա, հետո նույն դանդաղութեամբ նա դարձրեց ինձ վրա:

— Ի՞ժիշկ, դրանք սոսկալի դոստոյներ են, այդ ազնվականները, բայց մենք՝ հասարակ շներս նույնպես յերբեմն հպարտ ենք լինում: Դրանք մեզ կողոպտում են, վիրավորում, ծեծում, սպանում, բայց այնուամենայնիվ մեզ մտտ մնում և մի փոքր հպարտություն: Նա... Դուք նրան տեսնո՞ւմք, բժիշկ:

Հիվանդ կնոջ ճիչերն այստեղից անգամ լսվում եյին, թեև հեռավորությունը մեղմացնում եր նրա ձայնը: Պատանին լսում եր այդ ճիչերն այնպես, կարծես կլինը պանկած եր հենց այդտեղ:

Յես պատասխանեցի:

— Այն, յես տեսա նրան:

— Նա իմ քույրն ե, բժիշկ: Ե՛մտ սարիներ այդ ազնվա-

կաններն ոգովեցին իրենց նողկալի իրավունքով: Նրանք  
դժբախտացրին, փչացրին մեր ամաչկոտ քույրերին, նրանք  
պատվազուրկ արին նրանց:

Այնուամենայնիվ մենք ունեյինք լավ աղջիկներ: Յես  
զիտեմ այդ, իմ հայրն ել ասել և ինձ այդ: Նա լավ աղ-  
ջիկ և Նա նշանված եր մի լավ տղի հետ, վոր նույնպես  
գրանց ճարտերից եր: Մենք բաւոր գյուղացիներս մի կալ-  
վածատիրոջ ենք պատկանում... այ, գրան, վոր կանգնած  
և այստեղ: Իսկ այն մյուսը՝ դրա յեղբայրն ե... վատթարա-  
գույնը գրանց չար տոճից:

Պատանին խոսում եր մեծ ճիգ թափելով, հավաքելով վեր-  
ջին ուժերը, բայց նրա հոգու արիությունը յերևան եր զալիս  
սոսկալի թափով:

— Այդ մարդը, վոր կանգնած է այստեղ, կողոպտել  
և մեզ: Այդ բարձր անձնավորությունները միշտ կողոպ-  
տում են մեզ, հասարակ շներիս: Նա անխիղճ կերպով  
ժանրաբեւանել և մեզ հողային տուրքերով, ստիպում եր  
ձրի աշխատել իր համար, հրամայում եր մեր հացն իր ջրա-  
ղացում աղալ, հրամայում եր իր տնային թռչունները  
մեր հյուժված արտերում արածացնել, իսկ մեզ, մահվան  
յերկյուղի տակ, արգելում և պահել անգամ մի թռչուն:  
Նա կողոպտել և, թալանել ու վախեցրել մեզ այնպես, վոր  
յերբ հաջողվում եր մեզ ձեռք բերել մի կտոր միս, մենք  
ուտում եյինք այն մեծ յերկյուղով, դուռ-պատուհան  
փակ, վորպեսզի դրա մարդիկ չտեսնեն ու ձեռքներիցս  
չխլեն այդ կտորը: Յեվ նա այնպես վախեցրել է մեզ, այն-  
պես թալանել, ու մենք այնպես աղքատացել ենք, վոր  
մեր հայրը հաճախ ասում եր. «Ասկալի բան է այժմ  
յերթխաներ ունենալը: Ավելի լավ է՝ մեր կանայք թող  
չբեր լինեն, ու մեր դժբախտ տոճը թող անհետ վերջանա»:

Յես յերբեք չեյի տեսել, վոր վիրավորանքի զգացմունքն  
այդպիսի հրաբորբոք ուժով դուրս պոթիկա: Յես առաջ ել  
յննթաղրում եյի, վոր այդ զգացմունքը թաքնված է ժո-  
ղովրդի մեջ, բայց առաջ վոչ մի տեղ նա չեր արտահայտվել



այդպիսի հանկարծակի պոռթկումով, ինչպես այս մեռնող պատանու մեջ:

— Այնուամենայնիվ, բժիշկ, քույրս ամուսնացավ: Ամուսինը հիվանդացավ, խեղճը, հենց այդ ժամանակ, ու քույրս պահպանում եր նրան, խնամում մեր տնակում, մեր շան բնում, ինչպես կասեր անշուշտ այդ մարդը: Յեվ ընդամենը մի քանի շաբաթ եր անցել հարսանիքից, յերբ այդ մարդու յեղբայրը մի անգամ տեսավ քրոջս ու քույրս ախքան դուր յեկավ նրան, վոր նա սկսեց խնդրել յեղբորը, քրոջս իրեն տալու... վորովհետև արժեք միթե ուշադրություն դարձնել ամուսնու վրա... Այդ ազնվականը համաձայն եր, բայց իմ քույրը, վոր մի լավ, համեստ կին ե, ատոււմ եր զրա յեղբորն այնքան խիստ, վորքան ե յես: Յեվ ի՞նչ արին այդ յերկուսը, վորպեսդի սարսափեցնեն նրա ամուսնուն, վոր նա ի՞նքը համազի քրոջս...

Պատանու աչքերը, վոր շարունակ սևեռած եյին ինձ վրա, զանդադորեն դարձան այդ ժամանակ զեպի հանդիսատեսը, ու յերկուսի դիմրիցն ել յես տեսա, վոր սասձն ամբողջապես ճշմարիտ եւ Մինչև իսկ այժմ Բասաօլում յես տեսնում եմ այդ յերկու իրար դիտող հպարտությունները, ազնվականի աչքերում փայլում եր արհամարհական անտարբերություն, զյուզացու աչքերում բոցավառվում եր վտանահարված զչացմունքների վտթորիկն ու վրեժխնդրության անզուսպ ծարավը:

— Դուք զիտեք, բժիշկ, վոր այս ազնվականներն իրավունք ունեն մեզ, հասարակ շներին, լծելու սայլին ու իրանք մեջը նստելու: Յեվ նրանք լծում եյին նրան սայլին ու իրանք մեջը նստած՝ քշում: Դուք զիտեք, վոր գրանք իրավունք ունեն մեզ քշելու դաշտ, վոր ամբողջ զիշերը լսեցնենք զսրտերին ու պաշտպանենք նրանց թանկագին քունը խանդարելուց: Յեվ գրանք զիշերով քշում եյին նրան սպանիչ խոնավության մեջ, իսկ ցերեկը նորից լծում սայլին: Բայց նա անձնատուր չեղավ: Վճշ: Մի անգամ կեսորին նրան արձակեցին լծից ու բաց թողին, վոր



ուտի... յեթև ուտելու բան գտնի ինարկե... Իսկ նա հեծ-  
կյտաց տասներկու անգամ, ամեն հարվածին մի անգամ,  
մինչև խփում եր ժամացույցը, ու մեռավ քրոջս կրծքի  
վրա:

Գերմարդկային ճիգերով պահպանվում եր կյանքն այդ  
պատանու մեջ, այնքան բուռն եր նրա մեջ կրած վիրա-  
վորանքներն արտահայտելու ցանկությունը: Նա ուժով  
վանում եր խտացող մահվան խավարը ու նույն որհասա-  
կան ուժով սեղմում եր աջ բուռնցքը, ծակկելով վերքը:

— Այն ժամանակ, ահա այս յեղբոր թույլտվությամբ,  
մինչև իսկ նրա ոգնությամբ, այն մյուսը տարավ քրոջս  
իր մոտ: Այն, չնայելով, վոր քույրս հակառակ եր, դիմա-  
դրում եր, — դուք զխեք այդ, բժիշկ, կամ շուտով կիմա-  
նաք, — այն յեղբայրը տարավ քրոջս իր մոտ սուկ ժա-  
մանցի, գվարճության համար, կարճ ժամանակով: Յես տեսա՝  
ինչպես եյին տանում նրան ճանապարհով, յերը անց կաց-  
քին իմ մոտից: Յերը յես դուռ դարձա, հորս սիրտը պայ-  
թեց: Նա բնավ մի խոսք անգամ չեր արտասանել, և այդ  
չարտասանված խոսքերը լցրել եյին նրա սիրտը լեփ-լե-  
ցուն: Այն ժամանակ յես վերցրի փոքր քրոջս (յես ունեմ  
մեկն ել) ու թազքի այնպես, վոր դա այլևս չի կարող  
ձեռք բերել նրան... կամ համենայն դեպս չի լինի դրա  
վերին... Հեսսս յես հետապնդեցի դրա յեղբորը մինչև այս  
տունն ու յերեկ յերեկոյան մաս այստեղ... այն, հասարակ  
շունը, բայց սուրը ձեռքին... Ո՛ւր ե այս ձեզնահարկի  
պատուհանը...

Նրա աչքերը մթնում եյին հետզհետե ու շրջահայացը  
նեղանում: Յես շուրջս նայեցի ու նկատեցի, վոր խոտն  
ու հարզը ցիր ու ցան եր յեզած հատակին ու կոխկրա-  
ված, կարծես կոխվ եր տեղի ունեցել այդտեղ:

— Քույրս լսել եր իմ ձայնը, և նա յեկավ: Յես ասացի  
նրան, վոր մոտ չդա, մինչև կապանեմ նրա օտևանդողին:  
Ներս մտավ նա, քրոջս դահիճը, սկզբում մի քանի մանեթ  
չպրտեց ինձ ու հետո խփեց մարակով: Բայց յես, թեև

հասարակ շուն, հարձակվեցի նրա վրա ու հարկադրեցի մերկացնել սուրբ:

Քանի կտոր ել արել ե նա իր սուրն այժմ, այնուամենայնիվ ներկված ե այն իմ հասարակ, ռամկական արյունով: Նա հարկադրված եր մերկացնել այն ու պաշտպանվել... Ու կռվեց նա ինձ հետ իր բոլոր հմտությամբ՝ վերկելով իր կյանքը...

Մի քանի բույե զբանից առաջ իմ աչքիս ընկան սրի կըտորտանքը, վորոնք թափված եյին խոտերի մեջ: Այդ սուրբ ազնվականի սուր եր: Մյուս անկյաւնում ընկած եր մի հին սուր, վոր նման եր զինվորի սրի:

— Այժմ բարձրացրեք ինձ, բժիշկ, մի փոքր բարձրացրեք... Ո՛ւր ե նա:

— Նա այստեղ չե, — պատասխանեցի յես, բռնելով պատանուն ու կարծելով, թե հարցնում ե մյուս յեղբոր մասին:

— Նա Գոռոզ՝ ինչպես բոլոր ազնվականները, նա վախենում ե նայել ինձ վրա: Ո՛ւր ե այն մարդը, վոր այստեղ եր: Դարձրեք յերեսս նրա կողմը:

Յես պատանու գլուխը բարձրացրի ու դրի ծնկիս: Բայց, մի բույե ընդգրկված արաստավոր ուժով, նա կանգնեց իր վողջ հասակով: Այն ժամանակ յես ել վեր կացա՝ աշխատելով պահել նրան:

— Մարկիզ, — ասաց պատանին, աչքերը լայն հառելով նրա վրա ու բարձրացնելով աջ ձեւսրը, — այն որերին, յերբ կգա հատուցումը ձեր բոլոր արարքներին, պատասխանի յե՞ս կանչում ձեզ ու ձեր վողջ կատաղի սերունդը, մինչև վերջին շառավիղը: Նշում եմ ձեզ արյունի խաշով, ի նշան այն բանի, վոր այդ կլինի: Այն որերին, յերբ այս բոլոր դործերի համար կգա հատուցումը, յես կանչում եմ ձեր յեղբորը — վաթարագույնին ձեր վողջ չաբ սերնդի, վորպեսզի նա պատասխան տա առանձին: Յես նշում եմ նրան այս արյունի խաշով, ի նշան այն բանի, վոր այդ կլինի:

11702

A II  
38313



Նա յերկու անգամ ձեռքը դրեց իր վերքին ու ցուցա-  
մատով խաչ քաշեց ողի մեջ, Կանգնեց դարձյալ մի յերկու  
վայրկյան՝ ձեռքը բարձրացրած... և ապա ձեռքը թուլա-  
ցավ, կախվեց, նա ինքն ել թուլացավ, ու յես պառկեցրի  
նրան՝ մեռած:

\* \* \*

Յերբ վերադարձա յերիտասարդ կնոջ անկողնի մոտ,  
նա զառանցում էր դարձյալ ու ճշում, Յես դիտեյի, վոր  
դեռ յերկար ժամեր կարող է տեսլ այդ և հավանարեն  
կվերջանա զերեզմանի լուսթյան մեջ:

Յես կրկնեցի նախկին դեղի դոզան ու նստեցի նրա  
անկողնու մոտ մինչև ուշ գիշերու ճշում եր հիվանդն առաջ-  
վան պես բարձր ու զիլ, իսկ բացահանչություններն արտա-  
սանում նույն պարզությամբ ու նույն կարգով:

— Իմ ամուսինը, իմ հայրը, յեղբայրս: Մեկ, յերկու,  
յերեք, չորս, հինգ, վեց, յոթ, ութ, ինը, տասը, տասնմեկ,  
տասներկու... Սճ.սսս...

Այդ շարունակվեց քսանվեց ժամ անընդհատ՝ այն ըն-  
պեյից, յերբ յես առաջին անգամ տեսա նրան: Այդ ժա-  
մանակամիջոցին յես յերկու անգամ յեկա ու գնացի ու  
նորից նստեցի նրա անկողնի մոտ, յերբ նկատեցի, վոր  
նրա լեզուն սկսում է ծանրանալ: Յես արի այն նվաղա-  
գույնը, ինչ կարելի յեր անել նրա ցավը մեղմելու համար,  
ու կամաց-կամաց նա ընկավ լիտարգիայի մեջ ու պառկած  
էր մեռելի պես:

Այդ նման էր այն յերևույթին, յերբ յերկար ու սոս-  
կայի փոթորկից հետո քամին հանդարտվում է ու անձ-  
րեը դադարում: Յես արձակեցի նրա ձեռքերն ու կանչեցի  
աղախնուն՝ ինձ ոգնելու, վոր պառկեցնենք հիվանդին ու  
փոխենք վրայի պատառտված շորերը:

Այդ ժամանակ յես նկատեցի հղիության առաջին նշան-  
ներն ու կորցրի նրա կյանքը փրկելու իմ մեջ մնացած  
վերջին փորրիկ հույսը:

— Ի՞նչ է, մեռանի, — հարցրեց մարկիզը, վորին առաջ-  
վան պէս պիտի անվանեմ մեծ յեղբայր: Նա ներս մտավ  
յերկարանիտ կողիկներով, ձիուց նոր իջած:

— Դեռ վճշ, բայց ըստ յերևուլթին մեռնում ե, — պա-  
տասխանեցի յես:

— Ինչքան ուժ կա այս հասարակ, ռամիկ մարդկանց  
մեջ, — ասաց նա՝ նայելով հիվանդին վորոշ հետաքրքրու-  
թյամբ:

— Զարմանալի ուժ են տալիս վիշտն ու հուսահա-  
տությունը, — նկատեցի յես:

Նա սկզբում ծիծաղեց իմ խոսքերի վրա, հետո հոն-  
քերը կիտեց: Աթոռը վտարով հրելով, վոր մտեցնի իմ  
աթոռին, նա հրամայեց ազախնուն հեռանալ, նստեց ինձ  
մոտ և ասաց կիսաձայն:

— Բժիշկ, տեսնելով յեղբորս զժվար կացությունն այս  
աամիկ ճորտերի հետ, յես նրան խորհուրդ տվի դիմել ձեր  
հմտությանը: Դուք բավական մեծ հոշակ ունեք և ինչպէս  
յերիտասարդ մարդ, վոր կամենում ե իր համար հաջող  
տապարեղ ստեղծել, հավանորեն կկարողանաք հոգալ և  
ձեր շահերի մասին: Այն ամենը, ինչ այստեղ դուք տեսաք,  
կարելի չէ միայն տեսնել, իսկ խոսել այդ մասին — չի  
կարելի:

Յես ականջ դրի հիվանդի շնչառությանն ու խույս  
տվի պատասխանից:

— Բարեհաճեցիք լսել, ինչ ասացի ձեզ, բժիշկ:

— Պարոն, — ասացի յես, — իմ արհեստի մեջ ընդուն-  
ված ե դադանիք համարել այն ամենը, ինչ հաղորդում են  
մեզ մեր պացիենաները:

Յես պատասխանեցի նրան զգուշությամբ, վորովհետև  
չափազանց վրդովված էին այն ամենով, ինչ տեսել ու լսել  
էյի այդտեղ:

Հիվանդի շնչառությունն այնքան աննկատելի յեր դար-  
ձել, վոր յես լարված աշխատում էյի զարկերակը գտնել ու  
սիրտը լսել — կյանքը դես պլպլում էր, և այդքան միայն:

Նստելիս յես յետ նայեցի ու. տեսա, վոր յերկու յեղ-  
բայրն ել աչքերը հառած նայում են ինձ:

• • •

Յես այնպիսի ծայրահեղ դժվարությամբ եմ գրում,  
այնպես դաժան ցուրտ ե, և այնպես սարսափում եմ բռնը-  
վելուց և ստորերկրյա խուլ խավար խուցն ընկնելուց, վոր  
ստիպված եմ կրճատել պատմվածքս: Հիշողությունս մազա-  
շափ անգամ չի թուլացել կամ մթազնել: Նա կարող ե  
վերահանգնել ամեն մի մանր-մունր բան, ամեն մի խոսք,  
վոր արտասանվել ե իմ և այն յերկու յեղբայրների  
միջև:

Հիվանդը տանջվեց մի շաբաթ: Վերջում յես սկսեցի  
հասկանալ վորոշ ձայներ, վոր արտասանում եր նա ական-  
ջիս, կիպ հպելով շրթունքներս: Նա հարցրեց, թե վճրտեղ  
ե գտնվում ինքը, և յես պատասխանեցի. հետո հարցրեց,  
թե՞ մի եմ յես, և յես սասցի: Իզուր աշխատեցի յես իմա-  
նայ նրա ազգանունը: Նա մեղմ որորեց գլուխը բարձի վրա  
և թաքցրեց իր դադտնիքը, ինչպես և պատանին:

Յես հնարավորություն չունեյի նրան հարցեր տալու,  
մինչև չասացի յեղբայրներին, վոր նա արագ թուլանում ե  
ու չի ապրի մինչև մյուս որը: Մինչև այդ ժամանակ, թեև  
յեղբայրներից վաշ մեկը չեր նկատում հիվանդի մեջ գիտակ-  
ցության նշաններ, ու միայն յես ու աղախինը գիտեյինք  
այդ, այնուամենայնիվ մերթ մեկը, մերթ մյուսը կասկա-  
ծելով, միշտ նստում եյին անկողնի զլխավերև վարազույրի  
յետեր, քանի յես այնտեղ եյի: Բայց, յերբ մտակցով վախ-  
ճանք, նրանք անհայտ կերպով անտարբեր դարձան դեպի  
այն տեղեկութունները, վոր յես կարող եյի դուրս կորզել  
հիվանդից, կարծես, — խոցեց ինձ այդ միաջը, — յես նույն-  
պես մեանում եյի:

Յես շարունակ նկատում եյի, վոր նրանց հպարտու-  
թյունը սոսկալի կերպով խոցված ե, և տանջում ե նրանց  
այն հանգամանքը, վոր փոքր յեղբայրն (ինչպես յես ան-



վանում եմ նրան) ստիպված ե յեղել իր սուրը խաչել մի գյուղացու հետ, և վոր այդ գյուղացին յեղել եմի մանուկը Մխակ մասնամանրը, վոր ակներև կերպով ու իսկապես տանջում եր նրանց յերկաւսին ելլ, այն եր, վոր պատահած գիտքը վերին աստիճանի սառըացուցիչ եր նրանց ասմի համար և վոր նրանք ընկել են ծիծաղելի դրության մեջ։ Յերբ վորք յեղոր հայացքն ընկնում եր աչքիս, նրա աչքերի արտահայտությունն ստիպում եր ինձ հասկանալ, վոր յես խորագես ասելի յեմ նրա համար, և վոր յես ամեն ինչ իմացա սլատանուց։ Նա ավելի քաղաքավարի ու սիրալիր եր ինձ հետ, քոն մեծ յեղբայրը, բայց յես հասկանում եյի նրան։ Յեկ յես տեսնում եյի, վոր յես մտատանջության տոարկա յեմ դարձել և՛ մեծ յեղբոր համար։

Հիվանդը մեռավ կես դիշերից յերկու ժամ առաջ, — բոլի առ բոլի, իմ ժամացույցով, ճիշտ այն ժամին, յերբ առաջին անգամ յես տեսա նրան։ Յես մենակ եյի նրա ժառ, յերբ նրա մասաղ, անսգնական գլուխը կամացուկ խոնարհվեց մի կողմ, ու վերջացան նրա բարբ յերկրային վշտերն ու վիրավորանքները։

Յեղբայրներն անհանրեր սալտում եյին ներքելի սենյակներից մեկում, շտապելով վորքան կարելի յե շուտ հեռանալ այստեղից։ Յես, մենակ նստած անկողնի մաս, լսում եյի՝ ինչպես նրանք այնտեղ հետ ու առաջ եյին ճայլում, մորակը շրպպացնելով յերկարաճիտ կոշիկներին։

— Վերջապես մեռավ, — հարցրից մեծը, հենց վոր լես ներս մտա։

— Մեռավ, — պատասխանեցի լես։

— Աչքդ լույս, յեղբայր, — ասաց նա՝ դառնալով փոքրին։

Նա առաջ ել փող եր առաջարկել ինձ, բայց յես խընդրել եյի առայժմ համբերել։ Այժմ նա ավեց մի ծրար վոսկի։ Յես վերցրի, բայց դրի սեղանին։ Յես նախորդ մտածել եյի այդ հարցի մասին ու վորոշել եյի վոչինչ չվերցնել։



— Խնդրում եմ ներքե ինձ, — ասացի յես, — ներկա պարագաներում յես չեմ կարող վարձք վերցնել:

Նրանք իրար յերես նայեցին ու խոնարհեցին, գլուխներն ի պատասխան իմ մնաս բարեխն:

Ու մենք բաժանվեցինք առանց այլևս մի խոսք ասելու:



Յես հոգնեցի, հոգնեցի... հյուձվեցի զբկանքների մեջ: Չեմ կարողանում նույնիսկ կարգալ այն, ինչ գրել ե իմ ուժասպառ ձեռքր:

Առավոտը վաղ վստիււ ծրարը փոքրիկ արկղում, կափարիչի վրա իմ անուշը գրած, դրած եր իմ դռանը:

Յես յերկար մտածեցի, թե ինչ անեմ: Այդ սրը յես վերջնականապես վճռեցի ազնվորեն մի նամակ գրել մինխոտրին, համառոտակի բացատրելով գործի եյությունը, այսինքն, թե ինչպիսի յերկու պացիենտի մտեմն հրավիրել և ուր են տարել ինձ դրա համար:

Մի խոսքով — բոլոր պարագաները: Յես գիտեյի, թե ինչ են նշանակում պայտասկան կապերը և ի՞նչ չափերի յե հասնում ազնվականների անպատիժ մնալն իրենց գործած հանցանքների համար, դրա համար ել բնավ չեյի սպասում, թե հրապարակ կհանվի դորժը, այլ սոսկ կամենում եյի սեփական խիղճս մաքրել:

Յես վողջ գործն իբրև խոր դադանիք եյի պահում, նույնիսկ կնոջիցս, և վորոշեցի այդ մասին նույնպես հիշել նամակումս: Յես բնավ չեյի նախագգում վորևե իրական վտանգ ինձ համար, բայց յես գիտեյի, վոր այսանդ վտանգ կարող ե լինել ուրիշների համար, յեթե հայտնի դառնա այն, ինչ գիտեյի յես:

Այդ որը յես խիստ զբաղված եյի հիվանդներով, դրա համար ել չկարողացա վերջացնել նամակս: Հետևյալ առավոտ յես սովորական ժամից ել վաղ վեր կացա, վորպեսզի վերջացնեմ նամակս: Նոր տարվա նախորդակին եր այդ:

Նամակս ամբարտաճ, դրած և իմ առաջ: Յես ծրարեցի  
այն ու վաչվօքի չհավատարով, բացի ինձնից, ուղարկեցի  
նամակն՝ անձամբ:

Յես ավելի ու ավելի յեմ թուլանում: Արդեն զբեթե  
անդոր ևմ ի կատար ածելու այն խնդիրը, վոր վերցրել եմ  
ինձ վրա: Յուրս և այստեղ, իսպար, իմ զգացմունքները  
բարանում են, ու թախիժը, սև թախիժը նմուս և սիրտս:

Պակասում և թուլթա: Յերեկ զբավեցին մի թերթիկս  
ու սոյառնացին: Այսոր յես պիտի վերջացնեմ իմ հաշվե-  
տվությունը:

Այն յերեկոյան, նոր տարվա նախորդակին, մոտավորա-  
պես ժամի 9-ին, դուռս զանդահարեց սև պատմուճանով մի  
մարդ, ասելով, վար կամենում և ինձ տեսնել, կամաց  
հետեկց ծառայիս, մի յերիտասարդ տղի, վորին կանչում  
էյին Նրնստ Գեֆարժ: Յերը ծառան ներս մտալ սենյակ,  
ուր նստած էյի յես կնոջս հետ, — ս, իմ թանկագին կին,  
իմ սքանչելի ու ջահել կին, — մենք տեսանք այդ մարդուն  
անխոս կանգնած խորքում, մինչդեռ մենք յենթագրում  
էյինք, թե սպասելիս կինի դռան մոտ:

Նա տաց, վոր մի անհետաձգելի դիպվածի առթիվ,  
ինձ խնդրում են դնալ Մենտ-Ռնորե փողոցը: Յեվ շնս  
ուշացնի, վորովհետև ներքեում կառքն ինձ և սպասում:


Կառքն ինձ տարավ, նա ինձ բերեց իմ գերեզմանը:

Հենց վոր անից մենք հեռացանք, ինչ վոր մեկը պինդ  
կապեց բերանս ու ձեռքերս վուրեց յետևս: Յերկու յեղ-  
բայրները դեմ դուրս յեկան մութ անկյունից: Մարկիզն  
հանեց գրպանից իմ զբած նամակը, ցույց տվեց ինձ, այբեց  
լատաբրի նրան մեկնած մոմի վրա ու մոխիրը վտարով  
կոխկրտեց դեմնի վրա: Վոչ վոք վոչ մի խոսք չարտա-  
ստնեց, ինձ տարան, ինձ բերին իմ կենդանի դամբա-  
րանը:

Յեթե այս կամ այն յեղբոր քար սրտում այդ սոսկալի  
տարիներին ցանկություն ծագեր մի լուր տալ ինձ գոնե  
թանկագին կնոջս մասին, կամ գեթ մի խոսքով հիշեյին՝

կենդանի յե նա, թե մեռած, — յես կհամարեյի, թե բախտն  
իսպառ չի թողել ինձ:

Բայց այժմ յես հավատում եմ, վոր արյունալի նշանը  
հակատազրական պիտի լինի նրանց համար, և վոր նրանց  
սպասում ե մի անսղոք ապաղաւ Նրանց վերաբերմամբ ու  
իրենց սերնդի, մինչև վերջին շառավիղը, յես, Ալեքսանդր  
Մանեստ, Բաստիլի դժբախտ կալա՛րավորս, 1787 թվականի  
այս վերջին դիշերը, մահվան անտանելի սաղնապի մեջ,  
կոչ եմ անում այն ժամանակներին, յերբ ըստը այդպիսի  
արարքների հատուցումը կգա:



ՀԱՆՐԱՊԵՏԱՆԻ ԳԻՏ. ԳՐԱԴԱՐԱՆ



220038313

ԳԻՆԸ 25 ԿՈՊ.

А II  
38313

ՉԱՐԷԶ ԴԻԿԵՆՏ  
ՍԶՆԻԿ ԲԱՏԻԼԻԻ



ԱՐՄԵՆԳԻԶ – ԵՐԻՎԱՆ